



REPUBLIKA E SHQIPËRISË
BASHKIA E QYTETIT
KORÇË

110/3

DREJTORIA E KUJDESIT

SOCIAL

Nr. 2262/prot.

Korçë, më. 04.09. 2015

Lënda: Kthim përgjigje.

Drejtuar: Qendra "Res Publica",

Person juridik i regjistruar në gjykatë
me vendim nr.604 dt. 13.04.2010
përfaqësuar nga Z. Dorian Matlija

Adresa: " Bulevardi Gjergj Fishta", Nd.24, H.3, Ap. 44, kati 9, Tiranë
Email: dorian.matlija@gmail.com

Në përgjigje të Shkresës tuaj me Nr.Prot110/15.datë 31.07.2015 sqarojmë:
Në pesëvjeçarin e fundit Bashkia ka shpërndarë 96 banesa sociale me qera.
Deri në vitin 2014 kanë përfituar strehim gjithësej 196 familje, nga këto:

-Banesa sociale me qera 96.

-Banesa sociale me kosto të ulët 100.

Deri në vitin 2014 pranë Bashkisë Korçë kanë aplikuar për strehim sipas ligjit
9232, datë, 13.05.2004 gjithësej 2457 familje, nga këto:

-Aplikime për banesa sociale me kosto të ulët 1202.

Në listën e aplikueve nga 2457 familje, 543 familje i përkasin komunitetit
Egjiptian, nga te cilet kanë përfituar strehim 25 familje dhe nga komuniteti Rom
kanë aplikuar 82 familje e kanë përfituar 7 prej tyre.

Programi social i strehimit "Paisje e truallit me Infrastruktura" është një program
i cili nuk ka qënë zbatuar deri në këtë moment pavarësisht se është një
nga objektivat e Bashkisë. Është evidentuar një truall në pronësi private me
rreth 1800m², është negociuar për blerjen e tij dhe projekti është i
përshtatshëm për ndërtimin e një lagje në zonën veriore në periferi të qytetit,
pranë fshatit Barç, me ndërtesa standarte dy-katëshe me 50m² sip. ndërtimi.
Problemi i vetëm është sigurimi i fondeve për zbatim, pasi kostoja është

relativisht e lartë dhe kemi nevojë dhe jemi në kërkim për mbështetje dhe burime të tjera financiare.

Është vënë në dispozicion nga Bashkia truall për ndërtimin e banesave sociale me kosto të ulët dhe banesave sociale me qera.

Nga ana e Bashkisë në muajin Maj janë mbyllur negociatat për kalimin e një trualli në pronësi të Bashkisë Korçë, Entit Kombëtar të Banesave, për ndërtimin e rreth 70 apartamenteve me kosto të ulët dhe mundësi blerje me këste (sipas kërkesës tonë) për familjet në nevojë.

Familjet e komunitetit Rom janë trajtuar me përparësi nga Bashkia. Kështu me ndarjen e banesave sociale me qera Bashkia në listën e përfituesve të banesave me qerra sociale, miratoi me vendimin e Këshillit Bashkiak 5 familje të komunitetit Rom pa konkurim me sistemin e pikëzimit.

Në vitin 2004 buxheti i Bashkisë ka qënë kontribues me vlerën e truallit të 3 pallateve të ndërtuar, pajisjen e truallit me infrastrukturë, vlerën e projektit etj.

Në vitin 2015 është planifikuar 3.000.000 lekë bonus i strehimit për familjet e pastreha, destinuar kryesisht komunitetit Rom dhe Egjiptian.

Në vitin 2016 për programet sociale të strehimit do të ketë përparësi zbatimi i “bonusit të strehimit” për familjet që janë me të ardhura të ulta financiare, duke i subvencionuar ato me 50% të vlerës së qerasë mujore.

Pranë Ministrisë së Zhvillimit Urban dhe Turizmit, kemi aplikuar për të përfituar nga programet sociale të grantit të vogël, për familjet Rome.

Një projekt që lidhet me rehabilitimin e një objekti në pronësi të Bashkisë (ish-thertorja) dhe përshtatjen e tij për strehimin e rreth 20 familjeve rome, banuese në pazarin e qytetit, është dorëzuar pranë Ministrisë së Zhvillimit Urban dhe Turizmit.

Zyra e Strehimit është në procedurë evidentimi të nevojave të familjeve rome, që mund të përfitojnë nga projekti i grandeve të vogla për të paraqitur brenda muajit Nëntor një projekt-preventiv në zbatim të tij dhe kemi evidentuar 32 raste familjesh që plotësojnë kriteret e parashikuara.

Për këtë arsye jemi në kontakt të vazhdueshëm me drejtorinë përkatëse të Ministrisë së Zhvillimit Urban dhe Turizmit.

Duke shpresuar në mirëkuptimin Tuaj!

KRYETARI
Sotiraq FILO

